

ՏԱՐԱԾՔԱՅԻՆ ԿԱՌԱՎԱՐՄԱՆ ԵՎ ԵՆԹԱԿԱՌՈՒՑՎԱԾՔՆԵՐԻ

ՆԱԽԱՐԱՐՈՒԹՅԱՆ ԼԻՑԵՆԶԱՎՈՐՄԱՆ ՀԱՆՁՆԱԺՈՂՈՎԻ

Ե Ձ Ր Ա Կ Ա Յ ՈՒ Թ Յ ՈՒ Ն

16 ապրիլի 2024 թվականի N 07

«ԴԱՎԻԹ ՀՈԼԴԻՆԳ» ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆԸ 2018 ԹՎԱԿԱՆԻ
ՍԵՊՏԵՄԲԵՐԻ 11-ԻՆ ՏՐԱՄԱԴՐՎԱԾ ՏՐԱՆՍՊՈՐՏԱՅԻՆ ՄԻՋՈՑՆԵՐԻ
ՏԵԽՆԻԿԱԿԱՆ ԶՆՆՈՒԹՅԱՆ ԳՈՐԾՈՒՆԵՈՒԹՅԱՆ N ՏՄՏԶ 00036 ԼԻՑԵՆԶԻԱՅԻ
ԳՈՐԾՈՂՈՒԹՅՈՒՆԸ ԿԱՍԵՑՆԵԼՈՒ ՄԱՍԻՆ

Ղեկավարվելով «Լիցենզավորման մասին» օրենքի 35-րդ հոդվածի 1-ին և 2-րդ մասերով, 40-րդ հոդվածի 1-ին մասով, ՀՀ կառավարության 2021 թվականի սեպտեմբերի 24-ի N 1565-Ն որոշման 1-ին կետով հաստատված կարգի 15-րդ կետով, ուսումնասիրելով ՀՀ քաղաքաշինության, տեխնիկական և հրդեհային անվտանգության տեսչական մարմնի (այսուհետ՝ Տեսչական մարմին) 2024 թվականի փետրվարի 15-ի N ՔՏՄ/14.1/5285-24 գրությունը և գրությանը կից ներկայացված նյութերը՝ «ԴԱՎԻԹ ՀՈԼԴԻՆԳ» փակ բաժնետիրական ընկերությունում (այսուհետ՝ նաև Ընկերություն) անցկացված ստուգումների և վերստուգման վերաբերյալ 09.01.2024թ. N S/762-2023 և 07.02.2024թ. N S/12-2024 կարգադրագրերը և ակտերը և հիմք ընդունելով ՀՀ տարածքային կառավարման և ենթակառուցվածքների նախարարի 2024 թվականի մարտի 27-ի թիվ 553-Ա հրամանով Ընկերության նկատմամբ հարուցված վարչական վարույթի շրջանակում անցկացված լուսնների ժամանակ ներկայացված փաստական նյութերը՝ ՀՀ տարածքային կառավարման և ենթակառուցվածքների նախարարության լիցենզավորման հանձնաժողովը արձանագրեց, որ Ընկերությունում Տեսչական մարմնի կողմից 2023 թվականի դեկտեմբերի 22-ին կատարված ստուգումների ժամանակ չի տրամադրել 2023 թվականի հունվարի 2-ից մինչև դեկտեմբերի 21-ը ընկած ժամանակահատվածի տեխնիկական զննության իրականացման գործընթացի տեսաձայնագրությունները: Խախտվել է ՀՀ կառավարության 2021 թվականի սեպտեմբերի 24-ի N 1565-Ն որոշման 1-ին կետով հաստատված կարգի 15-րդ կետի պահանջը, որն է՝ տեխնիկական զննության իրականացման գործընթացը տեսաձայնագրվում է, որի ձայնագրությունները կայանում պահպանվում են մեկ տարի ժամկետով: 2024 թվականի հունվարի 9-ին կազմվել է թիվ S/762-2023 ակտը և կարգադրագիր՝ բացահայտված խախտումների վերացման վերաբերյալ: 2024 թվականի հունվարի 25-ին Ընկերությունում կատարվել է վերստուգում, որի արդյունքում արձանագրվել է, որ 2024 թվականի հունվարի 9-ին տրված թիվ S/762-2023 կարգադրագրի պահանջները չեն կատարվել և արդյունքում 2024 թվականի փետրվարի 7-ին կազմվել է թիվ S/12-2024 ակտը և կարգադրագիրը:

Տեսչական մարմնի 2024 թվականի փետրվարի 15-ի թիվ ՔՏՄ/14.1/5285-24 գրությամբ ներկայացված միջնորդության հիման վրա ՀՀ տարածքային կառավարման

և ենթակառուցվածքների նախարարի 2024 թվականի մարտի 27-ի N 553-Ա հրամանով
Ընկերություն նկատմամբ հարուցվել է վարչական վարույթ: Հարուցված վարչական
վարույթի շրջանակում Նախարարության լիցենզավորման հանձնաժողովը քննարկվող
փաստական հանգամանքների բազմակողմանի, լրիվ և օբյեկտիվ քննարկումն
ապահովելու նպատակով 2024 թվականի ապրիլի 5-ին, ապրիլի 11-ին և ապրիլի 16-ին
անցկացրել է լսումներ՝ Ընկերության ներկայացուցիչների մասնակցությամբ:

Լսումների ընթացքում արձանագրվել է, որ Ընկերության կողմից 2023 թվականի
ընթացքում Տեխնիկական զննության էլեկտրոնային հարթակ է մուտքագրվել 20
հազարից ավելի, իսկ 2024 թվականի հունվար, փետրվար և մարտ ամիսներին՝ ավելի
քան 6 հազար տրանսպորտային միջոցների տվյալներ, սակայն կրկին չի ներկայացվել
տեխնիկական զննության անցկացման փաստը հավաստող տեսաձայնագրությունները:
Ավելին, 2024 թվականի ապրիլի 5-ին անցկացված լսումների ժամանակ Ընկերության
ներկայացուցիչները հավաստեցին, որ Ընկերությունը վերացրել է տեխնիկական
զննության գործունեության թերությունները, գործընթացը տեսագրվում է և ապրիլի 11-
ին նշանակված լսումների ժամանակ ներկայացրին 2024 թվականի մարտի 30-ից
մինչև ապրիլի 10-ը ընկած ժամանակահատվածի տեսագրությունները:

Ընկերության կողմից ներկայացված տեսագրական նյութերի և տեխնիկական
զննության հարթակի տվյալների համադրության արդյունքում պարզվեց, որ 2024
թվականի մարտի 30-ից մինչև ապրիլի 10-ը ընկած ժամանակահատվածում
Ընկերությունը կողմից տեխնիկական զննության հարթակ է մուտքագրվել 1070 (մեկ
հազար յոթանասուն) տրանսպորտային միջոցների տվյալներ, մինչդեռ ներկայացված
են ընդամենը 14 տրանսպորտային միջոցների տեխնիկական զննության ծառայության
մատուցման փաստը հավաստող տեսագրություններ:

Միաժամանակ՝ տեսագրությունների ուսումնասիրությամբ պարզվեց, որ
Ընկերության կողմից տրանսպորտային միջոցների տեխնիկական զննությունը
իրականացվում է ՀՀ կառավարության 2021 թվականի սեպտեմբերի 24-ի N 1565-Ն
որոշման 1-ին կետով հաստատված կարգի խախտումներով, մասնավորապես՝ ըստ
ներկայացված տեսագրությունների Ընկերությունը իրականացնում է միայն
արգելակային համակարգի արատորոշում, իսկ տրանսպորտային միջոցների ղեկային
կառավարման համակարգերը, արտաքին լուսավորման սարքերը, շարժիչը և դրա
համակարգերը, շարժիչի բանաձգ գազերում վնասակար նյութերի պարունակությունը և
նշված կարգով սահմանված այլ արատորոշումներ չեն իրականացվում, սակայն
տրամադրվում են արատորոշման թերթիկներ՝ տրանսպորտային միջոցի բոլոր
տեխնիկական համակարգերի դրական նշումներով: Լիցենզավորման հանձնաժողովը
արձանագրեց, որ Ընկերության կողմից պարբերաբար խախտվում է ՀՀ
կառավարության 2021 թվականի սեպտեմբերի 24-ի N 1565-Ն որոշման 1-ին կետով
հաստատված կարգի ցանկ N 1-ով սահմանված՝ տրանսպորտային միջոցների
տեխնիկական զննության ժամանակ տեխնիկական վիճակի ստուգման
աշխատանքների պահանջը, չի իրականացվում տրանսպորտային միջոցի
համակարգերի համալիր արատորոշում, ինչը լիցենզիայի պահանջների ու

պայմանների այնպիսի խախտում է, թերի արատորոշմամբ տրանսպորտային միջոցի հետագա շահագործումը անմիջական վտանգ կամ ռիսկ է պարունակում մարդկանց կյանքի կամ առողջության համար:

Վերը նշված հանգամանքների հիման վրա ՀՀ տարածքային կառավարման և ենթակառուցվածքների նախարարության լիցենզավորման հանձնաժողովը հանգեց հետևյալ եզրակացության

1. «ԴԱՎԻԹ ՀՈԼԴԻՆԳ» փակ բաժնետիրական ընկերությունը 2018 թվականի սեպտեմբերի 11-ին տրամադրված՝ տրանսպորտային միջոցների տեխնիկական զննության գործունեության N SU52 00036 լիցենզիայի գործողությունն ենթակա է կասեցման՝


1.1 «Լիցենզավորման մասին» օրենքի 36-րդ հոդվածի 1-ին մասի 3-րդ կետի հիմքով՝ մինչև խախտման պատճառի վերացումը,

1.2 «Լիցենզավորման մասին» օրենքի 36-րդ հոդվածի 1-ին մասի 5-րդ կետի հիմքով՝ մինչև խախտման պատճառի վերացումը:

Հանձնաժողովի նախագահի տեղակալ՝

Հանձնաժողովի քարտուղար՝


Հանձնաժողովի անդամներ




Ա. Խաչատրյան




Ա. Ստեփանյան



Խ. Սողոմոնյան



Տ. Գասպարյան



Ռ. Այվազյան

16.04.2024թ.

ք. Երևան